

120

PRUSSIA
REGI OPTIMO MAXI-
MO, PATRI PATRIAE,
FOELICITATEM.

1566

ICAN. DEMETRII
SOLIKOWSKI.



M. D. L. X. VI.

S. W. 155

Sim. No. 5027.

1566

PRUSSIA

REGI.

ILLA ego, quæ longa steteram Borussia pace,
Nuper ab externis dilacerata feris.
Post lac exuctum penitus, uel ad usq; cruorem,
Et si quis toto corpore succus erat.
Afflictum tandem tollo caput, oreq; damnis
Assucto, trepidos ponere disco pedes.
Vnde pares meritis referam, Rex in chyte grates?
Liberor à damnis, te auxiliante, meis.
Et contenta quidem mammis dum monstra putarem,
Obticiui, poteram dissimulare malum.
At postquam in nostro rabiosos uiscere morsus
Figunt: non potui uulnera tanta pati.
Nec potui miseris lachrymis, nec parcere uoci,
Ingenium sexus sumq; secuta mei.
Mox tibi quæ cordi est pietas, auresq; benignæ
Et uox, & lachrymæ te tetigere meæ.
Tam foedè laceræ sortem miseratus acerbam,
Matura mihi mox præsidiaris ope.
Regali & solio, magno auscultante Senatu,
Quò mihi succurras, talia uerba facis.
Illa graui quondam Borussia parta labore
Concessa multos pace, quieta, dies:

Illa

Illā decus regni, tum subdita fida Poloni,
Perturbata noua conditione gemit.
Languida decumbit, neq̄ spes erit ulla salutis,
Ni tempestiua prospiciamus ope.
Hinc lupus, inde canis, multa cum prole, fatigat,
Quiq̄ abigat nemo, hoc tempore fidus adest.
Discessere, quibus decuit iuuisse parentem,
Spes illi in nobis sola relictā manet.
Quam si deserimus, nec in ista sorte iuauimus,
Ecquod sanandæ postmodò tempus erit?
Labitur è manibus simul ac occasio, nunquam
Commoda tam ueniet, quàm bona prima fuit.
Ergo mei proceres, operas coniungite uestras,
Prussia quo pacto nostra ualere queat.
Demus id Alberto, fuimus quo semper amante,
Vsi: & sanguinis hic iure iuuandus erit.
Cuius in hoc senio nobis hæc cura recumbit,
Vt possit placidos nempe uidere dies.
Tranquilla & uelut est usus ditione, relinquat
Et nato Imperij sceptrā tenere sui.
Demus id Alberto Iuueni, qui natus ab illo
Magnanimum referet, moribus, ore patrem.
Quo de cura mihi potior sumenda uidetur,
Ne sit de manibus patria rapta suis.
Virtutes patrias, uestigia plena sequetur,
Deiunctus nobis more parentis erit.

Demus & his, quorum nobis subiectio nota,
Erga nosq; fides indubitata fuit.
Hæc ubi dicta tuus subdit sua uota senatus,
Et mihi iucunda uoce, benignus, ait,
Nescit nemo grauis res plenas esse pericli,
Quas ibi nunc motas Prussia tota dolet.
Succurrendum igitur terræ, mora longa ficesat,
In sola hac, ô Rex, alta pericla, latent.
Prome sagittiferam Princeps inuicte pharetram,
Iustaq; regali concute tela manu.
Mitte Palatinum, quo nunc tua Bresta resulget,
Est qui Sluzouicæ lausq; decusq; domus.
Zborouium Petrum, Bieci Castella tenentem,
Indole promittit, prospera cuncta, sua.
Kostkam Ioannem, linguæ rerumq; peritum,
Præfectum fundi clare Gedane tui.
Nicoleon Firley, ueteri quem sanguine, musa
In doctis fecit nomen habere uiris.
Horum consilijs facies, operaq; fideli,
Ut careat tantis Prussica terra malis.
Ista recensentur concordia uota senatus,
Hi sibi delatum munus obire parant.
Seq; uic accingunt celeres, mora nulla sequuta est,
Publica priuatis quod potiora sciant.
Tum quidam Iuuentis Decurrit regis ab aula,
Et Sismunde tuo nomine iussa refert.

Cuius

Cuius ego uerbis mihi leta ferentibus herens,
Indicio leta sum recreata spei.
Aduentare refert, qui me & mea uulnera curent,
A miseraq; canes excutiantq; lupos.
Ecce autem ueniunt, ceu sol post nubila, grati,
Officijq; ferunt munia plena sui.
Este salutati, quamuis ego languida clamo,
Quattuor o magne lumina Sarmati.e.
Gratia sit uobis mea lux, rediuiuaq; uita,
Quod uos immodicus non labor iste z uat.
Non tempus, non uos longa interualla uiarum,
Commoda nec proprie uos tenere domus.
Quo uos pro merito, Borussia salua perenni
Laude uehet: uestra hic nomina morte carent.
Hi mox intentis animis, & robore iuncto,
Prudentes foelix aggrediuntur opus,
Et quia non plenis flauescit messis aristis,
Nec satis utiliter semina condit humus.
Ni prius euulsi sentes, lappæq; nociue,
Ni stipulae steriles emoriantur agri.
Sic prius euellunt sentes, de corpore nostro
Et morbos abigunt, quam medicina datur.
Monstra foras pellunt, remouent et ab ubere nostro
Quæ mihi mortifero uulnere damna dabant.
Nec prece, nec precio, lachrymis auroe mouentur,
Nil istis largæ quæq; dabantur opes.

Iusticie leges generoso corde secuti
Immotam sanctam mente tuentur opus.
Hinc commissa uiris quod sum melioribus, ex hac
Spe surgo, & iam res sunt meliore loco.
Expulsi fucus, iniuria longa recessit,
Quo doleat nullus, quod die queratur habet.
Ordo nobilium penitus reparatur Equestris,
Quæ merito debet iam sua iura tenet.
Nil nunc Canicij, nil cætera turba quereris,
Matri erit hic posthac nulla querela tuæ.
Conueniente sibi cuncta oppida iure fruuntur,
Nec bona legitimi causa doloris erit.
Pax erit in terris, pax florida & aurea nostris,
Materies nulla hic seditionis erit.
Aequabunt miseris æqualia iura potentes,
Nil quisquam præter ius uiolenter aget.
Nil habet hic iuris terris Osiander in istis,
Nomine qui sanctus re maledictus erat.
En Legatorum refugit decreta tuorum,
Augustæ fidei restituetur honor.
Scaliger his pulsus meritoq; remotus ab oris,
Materies tanti nam fuit ille mali.
Perniciosa suum nunc conspiratio finem
Accipit, & regno iam patefacta ruit.
Victiarum tota est uiolentia pulsa ferarum,
Mentitæ species quæ pietatis habent.

Cedite

4

Cedite degeneres fuci, lamiaeque rapaces,
In uos crudelis Sarmata semper erit.
Vltrices aquila uobis sua rostra minantur,
Ferratosque pedes, pectus & indomitum.
Fama uetus uestram moueat notissima mentem,
Victa est Sarmatica bellua multa manu.
Laudatos habeas Prussos, qui in fluctibus istis,
Ergate immotam Rextenuere fidem.
Mens laudata sit & Senioris Principis, in te,
Inque meam sobolem, quam moderatur, amor,
In dextram sumpsit tua quod molimina partem,
In mea quod facilem commoda seque dedit.
Sint quoque laudati, tua Rex Commissa gerentes,
Hi plene morbis consulere meis.
Hi plene ereptam mihi restituere salutem,
Nullus & in toto corpore languor adest,
His ego iam factis melius Borussia uiuam,
Postquam sic sensus conualuere mei,
Quam modo tu curam pro me Rex magne subisti,
O pater o patriae cura salusque tuae,
De tali cura posthac nihil oro remittas,
Eueniant rebus ne grauiora meis.
Namque alij etsi de nostro corpore natis,
Negligor, ac si illis saeva nouerca forem.
Externi fortasse magis sua commoda quaerent,
Nulla erit, & tonso uellere cura mei.

Illos

Illos Regali tu observa lumine, ne sic
Turba ea sit matri perniciofa sue.
Quam benefecisti mihi nunc, tam numina diuum
Inuenias uotis esse benigna tuis.
Perpetuo tanti stabit tibi gratia facti,
Donec in hoc aliquis corpore sensus erit.
Donec erunt coelo gemmantia sydera, donec
Visentur liquido monstra stupenda mari.
Hic Auguste tibi laudem seruabo perennem
Immemor hinc nullo tempore facta tui.
Post ego non tales unquam subitura procellas,
Si mihi te saluum fata benigna dabunt.
Pulla meo nunquam cernetur corpore uestis,
Quam mihi te seruat parca uerenda diu.
Ut ualeamq; diu, post diuos uiue patrone
Vnica Sarmatiae & gloria nostra uale.

VNI ET TRINO

GLORIA.